



## O GRUPACIJI

Asocijacija trgovine – Grupacija trgovačkih lanaca je oblik artikuliranja interesa članova Vanjskotrgovinske/ Spoljnotrgovinske komore Bosne i Hercegovine (u daljem tekstu: VTK/STK BiH), čija je osnovna djelatnost trgovina u okviru trgovačkih lanaca.

Članovi Grupacije mogu biti sva preduzeća – pravna lica iz BiH čija je osnovna djelatnost trgovina koja se odvija kroz aktivnosti i rad u okviru trgovačkih lanaca u Bosni i Hercegovini, a prema definiciji tih lanaca u skladu sa akonima u BiH koji tretiraju tu oblast. Članovi Asocijacije mogu biti i pridruženi članovi VTK/STK BiH – preduzeća, udruženja i sl., koja su u funkciji realizacije aktivnosti iz oblasti trgovine, a na osnovu odluke Upravnog odbora VTK/STK BiH.

Prava i dužnosti člana Grupacije su prava i dužnosti člana VTK/STK BiH utvrđena Zakonom i njenim Statutom. Grupacija trgovačkih lanaca se osniva i djeluje u okviru VTK/STK BiH i nema status pravnog lica. Grupacija ima Skupštinu, kao najviši organ upravljanja, te Odbor Grupacije koji predstavlja njeno operativno i izvršno tijelo.

Grupacija uvijek u svom radu mora poštovati principe rada i zadatke VTK/STK BiH i svojim aktivnostima ne smije nanositi štetu drugim odborima, grupacijama, asocijacijama i članovima komorskog sistema, niti svojim radom dovoditi u neravnopravan položaj druge djelatnosti, odnosno grane privrede.

Grupacija može neposredno upućivati prijedloge nadležnim organima i tijelima Komore radi rješavanja određenih pitanja i preduzimanja odgovarajućih mjera od interesa za Grupaciju ili pojedine njene članove.

Stručne i administrativno-tehničke poslove za članove, organe i tijela Asocijacije obavlja Uprava stručnih poslova VTK/STK BiH.

### **Principi na kojim se zasniva rad Grupacije trgovačkih lanaca su:**

- orijentacija prema potrebama i interesima članova,
- aktivna poslovna komunikacija sa članovima,
- zastupanje interesa članova u komunikaciji i saradnji s nadležnim državnim organima i institucijama,
- usklađivanje i predstavljanje redovnih i specifičnih poslovnih interesa članova,
- praćenje stanja i unapredjenja rada poslovanja članova,
- aktivno učešće u pripremi mjera, zakonskih i podzakonskih propisa iz sektora trgovine,
- saradnja sa istim ili sličnim institucionalnim oblicima ili organizacijama u inostranstvu,
- saradnja sa drugim sličnim asocijacijama organizovanim u i pri entitetskim komorama i komori Brčko Distrikta,
- saradnja sa drugim asocijativnim oblicima organizovanim u okviru VTK/STK BiH, kao i njenim organima i tijelima,
- ravnopravnost u iznošenju stavova i odlučivanju, i
- javnost rada.

### **Kontakt adresa:**

Muris Pozderac, Prof. - Sekretar Asocijacije  
Branislava Đurđeva 10, 71000 Sarajevo  
tel: 033 566 - 203; fax: 033 566 - 188  
e-mail: [muris.pozderac@komorabih.ba](mailto:muris.pozderac@komorabih.ba)  
[www.komorabih.ba](http://www.komorabih.ba)

